

A7 Iskolásno Cshávo



O Karl Stojka ando 1931-dikno bers úja jekhe buka gaveszte andi Télalutni Ausztrija. Leszkero családó Lovárikó sztya, aszo jek csoporto hi maskar o roma. Barvale grasztane kupecca sztye taj szako nyilaje vígíg dzsanahi ando Stájerországó, Burgenlandoszte taj andi Télalutni Ausztrija. Jevende átalába Bécsoszte vagy páse ácsihje. Kana o but náci zór pumenge linye peder i Ausztrija, o családó má pálal na dzsanlahi szako nyilaj te phirkeren taj mist' adá Bécsoszte bestye téle. O csháve – o Karlo taj leszkere trin phenya taj dú phrala – Bécsoszte phirnahi andi iskola taj szig but baráttya len úje. Leszkere dadeszkero rendesno nevo Karl Horvatho sztya, de szako csak avka le pindzsarlahi, hogy Wakar. Leszkere dakero cshajiko nevo Sidi Stojka sztya, de butvar haszningye te o Rigó ánglutno nevo, hogy szako te dzsanel, hogy endányia hi le bare híresne lovárike családoszke.

1910

1951

1940

💡 Dzsannahi odá

... hogy aszar phenen 1,5 milijóne hurde csháve mundargye telo holokauszto, andar adana majna 1,2 milijóne biboldóvi sztye? ... hogy o legbareder csoporto, akasz telo nációko rezsimo mundargye, hurde csháve sztye?

✍️ Tumari búti

Szavi fajta hi még le romen taj le szinten?

📷 Palo kípó

O Karl Stojka kana ennya bersiko sztya Bécsoszte ando 1940-dikno bers. Nyimciko Szöveccségiko Arhívumo Berlin Lichterfelde, Nyimciko.



<https://www.romasintigenocide.eu/romanes/a>